

МАЙТЬ

5-це шистонза 1941 кизоня

50 (1846)

ПИТНЕЦ 10 тр.



# Комсомолю Вайгяль

ВЛКСМ-нь МОРДОВСКИЙ ОБКОМЪ И САРАНСКИЙ-нь ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адрессь: г. Саранск,  
Советская ул., Дом печати.

## Шумбра улеза большевистский печатень шись!

### БОЛЬШЕВИСТСКИЙ ПЕЧАТЕНЬ ШИСЬ

Тячи—большевистский печатень ши. Ши, конач арась победившей социализмань странань трудящихнени торжествань традиционный празднике.

Минь большевистский прессаньконь создали, выпестовали, взлелеяли коммунистический партияс и сонь гениальный вождеза Ленин и Сталин. Тя мирса единственной пресса, кона служай трудовой народти. Сяс и народсь эсь печатени кельксы, относится тейнза оцю уважения мархта.

Ленинско-Сталинский печатсь—тя партийнай печать, рабочай классь авангардонц прессац, кона тюри коммунизмань бессмертной идеятнень победаснон и торжестваснон инкса. Тянь эса и сонь неиссякаемая виец и массатнень лангс влиянияз.

Печатсь—партиять инь оржа и инь вию оружияц. Газетатнень вельде партияс повседневно корхни народнай массатнень мархта, пуропнесь и вятсь советский народть гигантский, созидательный трудти, вяти массатнень эса социализмань од победатнени.

Миллиотт советский ломань печатть вельде няфнесазь эсь политический и общественной активностьснон, эсь страстной мяльснон вишкотеке коммунизмаз минь движенияньконь темпозон. Сталинский идеятне овладели массатнень мархта, воодушевили синь героический подвиженди, подвиженди социализмань странать могуществанц сядатоволдонь кемокстаманц инкса.

Задачать решенияц—маластонь 10—15 кизотнень пингста еатоме экономический отношенияса передовой капиталистический странатнень, алак лотсек работамась трудящихнень коммунистический воспитанияснон коряс, ВКП(б)-нь XVIII-це исторический съездть и XVIII-це партийнай конференцияц мархта путф задачатнень пашкодемасна ащихть минь прессаньконь деятельности основакс.

Оцю задачат ащихть печатть ингоде марксизмань-ленинизмань пропагандаса. Систематически печатлакшнемок эсь страницасот пропагандистский материалхт, газетатне вооружают передовой революционной теорияса минь руководящий кадраньконь и сембе народоньконь.

Печатсь призваный крхкаста няфнемс событияцнень, явленияцнень, эсь пингстонза каннесы читательхнени одть. Советский газетатне няфнесазь правдивайста лихтибракс шави эряфть, няфнесы сонь сембе многообразиясонза.

Рянок партийнай, профсоюзнай и отраслевой газетатнень мархта полневицхть газетат комсомолецнени, детворати. Комсомольский печатсь воспитывает коммунизмань духса минь народоньконь будущностени—од поколенийть.

Касфтомс родинати вернай цёрат и стирхть, конат педтема преданнайхть Ленинонь—Сталинонь партияснонды—комсомольский печатть главнай задацац. Комсомольский печатсь пашкотькшнесыне различнай темас коре советский од ломаттнень запросснон, лезды тейст касоме социалистический государствань полноценнай гражданикс, формирует личностьснон.

Печатсь арась мощный выйкс. Сон ульсь, ули и кармай улема Ленинонь—Сталинонь партияти подлиннай помощникосе, оржа и испытаннай оружияке, кармай сядатовонга каннема пламенной большевистский валть великий советский народти.

Лама тись и лездсь печатсь коммунистический партияти и советский народти. Но инголи нинге лама тиемс, эрявицхть разрешить ответственный задачат. И аш сомнения, што минь прессаньке Марксонь—Энгельсонь—Ленинонь—Сталинонь непобедимай знамяснон ала большевистский партияти руководстванц вельде честь мархта пашкодсьне синь.

Шумбра улеза большевистский печатень шись—советский народть торжествань праздникоц!

### РАДОСТЕНЬ И СЧАСТЬЯНЬ ПРАЗДНИК

Веселяста и радостнайста Атерень средняй школась васьфтезе и этафтозе майнь васенце шить. Официальной паякста меле, илять ульсь организовандафт ученикнень выступлениясна. Кузьева и Кучерова комсомолкатнень отрядса пионерхне морасть лама мора, танцовандасть, азовдсть декламацияц, а майнь карше илять Кузьева ялгать отрядса пионерхне и пионеркатне путнесь пьеса «Аут». Майть васенце шистонза общешкольной драматический кружоксь (руководительсь—комсомолкась Старостина ялгась) путнесь пьеса «Беззаглавья», конач этась оцю успех мархта. Пьесада меле ульсь организовандафт танит и играт.

Цебярь подарка майть честьс родинати макссь ОСО-нь организациясь. Сонь председателец Башкирцев ялгась аноклась ПВХО-нь 60 значикст.

Атюрьевский район.

К. Черакшев.



### 30 КОМСОМОЛЕЦ АГИТАТОР

Од Выселкань средняй школань комсомольский организациясь (секретарсь Топильников ялгась) максси оцю лезкс велеса колхознени тундань видемать нюрхкяня срокста и цебярь качестваса этафтоманц инкса. Нинге ламода видемать ушедомда инголе, комсомольский организациясь кемоктась 30 комсомолец колхознов бригадатнени агитаторкс.

Сембе выделеннай ялгатне видемань васенце шитненькиге марса колхозникнень мархта лисендсь паксав и обеденнай перерывста этафнесть и этафнихть беседат и лувондсь газетат. Инь цебярь агитаторкс лувондовихть Келаскин, Рузманов, Лобурев и лама лия ялгатне, конат живийста и интереснайста тиендсьазь эсь беседаснон. Агитаторхне и колхозникне сясветь обязательства Од Выселкань кафцьке колхознень эса тундань видемать аделаме Zubovo-Polyanskiy района васенцеке.

П. Рогачев.

Зубово-Полянский район.

## КОМСОМОЛЕЦНЕНЬ МАССОВАЙ ГИМНАСТИЧЕСКИЙ СОРЕВНОВАНИЯСНОН ИТОГСНА

Кафта неделят мольсть гимнастикас коре комсомолецнень массовой соревнованиясна. ВЛКСМ-нь ЦК-сь тись нят соревнованиятнени окончательнай итокт. Синь эсост учтаствовандась 7.496.726 ломань, тьяка лувксса 2 миллиотт од ломань, конат аф ащихть комсомолса. Соревнованиятнень тьяфтама массовой характерна способствовандась комсомолецнень и од ломаттнень эткса, кона аф ащи комсомолса гимнастикать келиста популяризацияцны. Соревнованиятне няфтезь, што комсомолецне аф калдываста овладають гимнастикать мархта. Учествовандайхнень эзда 90 процентсь максось ГТО-нь комплекс гимнастический норматнень. Миллион юношатнень и стирнянень мархта гимнастический норматнень успешнайста максомасна нинге весть подтверждает, кодама прекраснай физический даннайса обладают советский од ломаттне.

Вятемок умелай пропагандистский и организационнай работа, тиремок од ломаттнень повседневной бытозост гимнастикать сувафтоманц инкса, лама комсомольский организацият соревнованиятнень этафтомаснон эса сатсь цебярь результат. Союзнай республи-

катнень эзда васенце вастнень занязь Грузинский ССР-нь (ЦК-нь секретарсь Мирпхулава ялгась), Украинский ССР-нь (ЦК-нь секретарсь Хоменко ялгась), Азербайджанский ССР-нь (ЦК-нь секретарсь Бабаев ялгась), Армянский ССР-нь (ЦК-нь секретарсь Кочинян ялгась), Молдавский ССР-нь (ЦК-нь секретарсь Фесенко ялгась) и Литовский ССР-нь (ЦК-нь секретарсь Беляускас ялгась) комсомольский организациятне.

Крайхнень и областнень эткса гимнастический соревнованиятнень эса передовиконь лувксса ащихть столицань и Московский областень (ВЛКСМ-нь МК-нь и МГК-нь секретарсь Пегов ялгась) и Ленинградский областень (ВЛКСМ-нь обкомть и горкомть секретарец Иванов ялгась) комсомольский организациятне, ВЛКСМ-нь Мордовский обкомсь (секретарсь Соловьев ялгась), ВЛКСМ-нь Орджоникидзевский крайкомсь (секретарсь Васильев ялгась), ВЛКСМ-нь Рязанский обкомсь (секретарсь Забродин ялгась). Северо-Осетинский АССР-нь (комсомолонь обкомть секретарец Гутнов ялгась) Марийский АССР-нь (комсомолонь обкомть секретарец Щербаков ялгась), Мурманский областень (комсо-

молонь обкомть секретарец Савельев ялгась, Омский областень (комсомолонь обкомть секретарец Вторушин ялгась) комсомольский организациятне лыжнай кроссонь шитнень пингста ащещь фля инь мекольдөн вастнень эса, гимнастический соревнованиятнень эса подтянулись и лиссть передовиконь лувксс.

Лафчеста проявились праснон гимнастический соревнованиятнень этафтомаса Узбекский и Киргизский Союзнай республикань, Пензенский и Архангельский областень и Чечено-Ингушский АССР-нь комсомольский организациятне.

Аф ваномок гимнастический соревнованиятнень подлинна массовой характернон лангс, лама комсомольский организацият синь этафтомаснон пингста нолдасть лама аф сатыкст. Кой-коса ульсь соревнованиятнени анокламань лангс аф серьезнай отношения, аф фалу высококачественна пашкотькшневсть гимнастический упражнениятне.

Комсомольский организациятне нинге кржа тисць сянть инкса, штоба сувафтомс од ломаттнень повседневной бытозост гимнастикать.



## КРАСНАЙ ПЛОЩАДЬСА ПЕРВОМАЙСКИЙ ПАРАДОНЬ УЧАСТНИКНЕНЬ ПРИМАМАСНА

2-це майста илять ВКП(б)-нь Центральнай Комитетсь и СССР-нь правительствась Кремляса примазь Краснай площадьса первомайский военный парадонь участникнень. Кремлевский оцю Дворцу пуромств войскань сембе ротнень представительсна—пехотать, кавалериять, артиллериять, авиациять, флотть, бронетанковай и инженерно-технический войскань, связь. Инжида пашкет Георгиевский залсь, Грановитай палатась, Владимирский, Малай и Новай залхне.

Приемть эса ульсь ВКП(б)-нь ЦК-ть членонза, народнай комиссархне, СССР-нь Верховнай Советть, РСФСР-нь Верховнай Советть депутатсна, Краснай Армиять и Военно-Морской Флотть высшай командованиясна, Советский Союзонь геройхне, Социалистический Трудонь Геройхне, Сталинский премиянь лауреатне, ученайхть, обороннай промышленностень виднай конструкторх.

Вии, ламос моли кядень пяпамаса присутствующайхне васьфетезь Георгиевский залти Сталин, Молотов, Ворошилов, Калинин, Каганович, Андреев, Микоян, Берия, Шверник, Вознесенский, Щербаков, Маленков, Тимошенко, Кузнецов ялгатнень эвондамаснон. Вии овациясь моли несколько минута. Сембе ваныхть кельгома Сталинть и сонь соратниконзонлангс.

Вдруг сетьмоси. Оборонань Народнай Комиссарсь Советский Союзонь Геройсь и Маршалсь Тимошенко ялгась азонды присутствующайхнеди приветствиянь валхт.

— Тяти минь тердемазь тыза правительствась и партиянь Центральнай Комитетон, и минь васенне здравияньконь марнек Краснай Армиять и Военно-Морской Флотть лемста минь азондаськ ся ломанть честьсь, конац осуществляет человечествовань величайшай идеянь, кие создал советский странать

могучай вооруженнай виинзон, минь Краснай Армияньконь и Военно-Морской Флотоньконь, — Сталин ялгать честьсь!

Сембе вдруг стяхнихть, и овациянь бурась уназь унай Большой Кремлевский Дворецть залонзон сводсон ала.

Тяда меле Тимошенко ялгась азонды приветствиянь валхт Советский правительствати и азонды здравия советский правительствати главаниц Молотов ялгать честьсь.

Тага унай овация. Сембе присутствующайхне, сядя ащезь, восторженна приветствуют Молотов ялгать.

Тимошенко ялгась азонды здравия СССР-нь Верховнай Советть Президиумонци председателец Михаил Иванович Калининть честьсь.

Приемонь участникне стяхнихть и сядивакса приветствуют Калинин ялгать.

Сявонди вал Народнай Комиссаронь Советть Председателец Молотов ялгась.

— Тятинь вечерсь, — корхтай Молотов ялгась, — ты вечер Краснай Армиять и Краснай Флотть исяконь минь парадоньконь эса участниконзон честьсь.

Мон азондан тост минь Краснай Армияньконь артиллеристонзон, танкистонзон, летчиконзон, кавалеристонзон, пехотинцевонзон, моряконзон, боецнень и командирхнень, политработникхнень и маршалхнень инкса! Оборонань Наркомть Тимошенко ялгать и Военно-Морской Флотонь Наркомть Кузнецов ялгать шумбрашиснон инкса!

Атымкс унай овациясь ульсь ответокс Молотов ялгать валонзонды.

Дружественнай задушевнай обстановкаса приемсь молись несколько част. Инжихнеди ульсь тиф оцю концерт.

(ТАСС).

## ЧИТАТЕЛЬХНЕНЬ ПОЖЕЛАНИЯСНА

### СЯДА КРХКАСТА НЯФНЕМС ШКОЛЬНОЙ ЭРЯФСЬ

Мокшень од ломатне оцю мьяльса лувондыхть «Комсомолонь вайгяль» газетать эса, лувондсазь синь эсьтейст воспитателькс и организаторкс. Мон кунара ни лувондса сонь и особенна интересовандакшнесамань «Школьный эряф» отделсь. Виде, ты отделсь лама сёрмады республикасонк башка школатнень, пионерский организациятнень, ученический комитеттнень работаснон колга. Передает опытной учительхнень работань опытнон и ст. тов. Тянь мархта газетась максси оцю лезке од учительхнеди синь работасост. Но педагогический пропагандась нинге поверхностнай. Ты фактсь корхтай сянь колга, што газетать страницанзон эса выступают кржа учителя, пионервожатайда, конатнень работасна сотф касыке поколениять воспитаниянь и тонафнеманц мархта. И кда редакциясь кярмоди ты аф сатыксть машфтоманцы эсь работасонза, то максы лама пользада эрь од учительти, эрь школати.

Нинге фкя монь замечаниязе сянь колга, што газетаса пняк шуроста появакшнихть вос-

питаниять колга обстоятельный статья. Тяка пингть комсомольский газетать ролец благороднай тевса пняк оцю.

Минь педучилищань ученикне, кода и сембе советский од ломатне пняк интересовандакшнихть дружбаь и кельгомань кизефкснень мархта, но «Комсомолонь вайгяль» газетаса мон тяддень кизоть ты кизефксть коряс фкявок материал ашень мушенда. Задачасть ащи сянь эса, штоба школьный эряфть колга информацийнай характера заметкатнень сёрмадомаснон эзда ётамс полнайста школатнень эряфснон няфтемаснонды. Именна тынди призваннай комсомольский печатсь.

И кда редакциясь тянь шири шарфты мьяль, то газетась арай школьникнеди подлиннай другоке, кармай максима действительнай лезке учительхнеди, комсомольский организациятнеди образованнай, культурнай советский гражданинонь касфтомаса, конат улихть способнайхть строямс коммунизмнь светлай здания.

В. Ф. ШИНДЯЙКИН,  
Краснослободский педучилищань преподавательсь.



### Улемс помощникос комсомольский организациятнеди

Тянинь пингть комсомольский организациятнень ингола ащи пняк важнай задача—тюремс ВКП(б)-нь XVIII-це Всесоюзнай конференциять решениязон пняккодмаснен инкса. Марсатянь мархта тыфта жа важнейшай задачка комсомольский печатти ащи ся, штоба няфнемс эсь страницанзон эса, кода комсомольский организациятне перестраивають эсь работаснон партийнай конференциять решениязон коряс.

«Комсомолонь вайгяль» газетать работасонза тянь коряс улихть оцю аф сатыксть. Васендакиге, кржа сёрмакшнени материалда, конатнень эса няфневоль, кода комсомольский организациятне тюрехть трудонь оцю производительность, экономиять, стахановский методтнень внедренияснон инкса, брактсь, расточительность каршес.

«Комсомолонь вайгяль» газетать редакция кой-коста позда откликается од событиятнеди, кржа няфневихть читательти лихтибракс шави эряфть сембе многообразиянза.

Кальдяв и ся, што газетаса печатлакшнени материалхнень тематикасна пняк ограниченнай. Тянь сюнеда газетать эса аф няфнени комсомольский организациятнень разностороннай деятельностьсна. Тяняви тоста, што газетаса пняк эфси аф эряхть материалхт тыфтам интереснай тематнень коряс, кода этикать и коммунистический моральть колга. Можна надиямс, што тыфтам существеннай аф сатыксьнень редакциясь инь маластонь пингть машфтсьне.

Куликова.

## ТРУДЯЩАЙХНЕНЬ ВОСПИТАНИЯСА ВИЮ ОРУЖИЯ

Ленин и Сталин—мировой пролетариатть величайшай вождеза ащезь большевистский печатть колыбелец ваксса, вдохновлял и вятеть непосредственной руководства сонь деятельностью мархта, направлял работани.

Печатсь ащезь инь активнай помощникос большевистский партияти. Гражданский войнань кизотнень пингста печатсь партиять руководстванц вельде тюрсь сембонь сятнень каршес, кит ёразь кирдемс трудовой народть вачаписа, эряфонь аф кирдевомшка условияса.

Индустриализациянь, мелкай хозяйстватнень эзда крупнай социалистический велевь хозяйство шарфтомаснон—коллективизациянь, кулакть кода классонь машфтомань кизотнень пингста печатсь кирдсь пняк оцю значения. Сембе нят мероприятиятнень эряфс этафтомасост печатсь максесь оцю лезке. Аф стак нароттнень мудрай вождьсна и учительсна Сталин ялгась лемдесе печатть минь партияньконди инь оржа оружиякс.

Оцю роль приобретает печатть трудящайхнень коммунистический воспитаниясост, Марксизмань Ленинизмнь идеятнень кели массатнень сознания пачфтемаса. Минь странань эрь гражданинти книгаь, журналонь и газетань лувондомась арась эряфонь правилаке. Большевистский партиясь и советский правительствась фалу максесь печатти оцю значения. Тянди яркай свидетельстве служай ся фактсь, што минь странасонк печатсь арась сембодонга масовайке. Сонь эсонза примосихть участия инь кели массатне. Газетатнень эса выступают учительхть, агрономт, врачт, профессорхт и лама лия профессияса работай советский ломатть. Аныкек минь странасонк тыфта свободнайста можва корхтамс печатть вельде.

Советский народть культурнай запросонзон и грамотностенц касомаснон мархта ряцок вишкста касы и печатть ролец. «Мирса аш фкявок страна, коса ба тыфта вишкста касоль печатть ролец, кода

миньонк». (М. И. Калинин).

Аф муят стама народность, конанц-ба афоль уле эсь кялысонза книгаь, газетанза и журналонза.

Мордовский народсь, кода и минь странань лия народностне, получить возможность эсь родной, шарьхкодеви кялысонза лувондомс книгаь, журналхт и газетат. Тянь колга корхтай ся, што тянинь пингть нолдави кота республиканский газетат, конатнень ёткас кафтне мокшеннет, кафтне эрзяннет. Лисенди вете журналхт.

Касы и кемокетай Мордовский народть содержания коре социалистический и формас коре национальной культуран. Мордовский народти достояниякс арась книгагне, конатнень нолнесыне Мордовский государственнай издательствась мокшень и эрзянь кялыса.

Касы нолдави книгагнень лувкссна, конат кирдихть исключительна оцю значения трудящай массатнень коммунизмнь духса воспитаньдасост.

Аныкек мекольдень вете кизотнень пингста Мордгизсь нолдась 470 названияса книгаь, конатнень тиражсна колма миллионда лама. Мордовский народть идейнай эряфсонза оцю

событиякс арась мокшень и эрзянь кялыса марксизмань—ленинизмнь сокровищницаь большевистский партиять историянь «Краткий курсонц» светс лисемац, «Коммунистический партиять манифестонц».

Ня книгагне пользовандайхть читательхнень ширде оцю интереса. Синь арась настольнай книгакс. Оцю популярностьсна читательть ёткас — Марксизмань — Ленинизмнь классикнень трудонон. Пяшкоть-кшнемок трудящайхнень оцю запросонзон, Мордгизсь этафтозень мокшень кялыс Ленинтнь трудонзон: «Ичкозде сёрмат», «Марксизмась и воспитаниясь», «Электрификациять колга».

Маластонь пингть нолдавихть мокшень кялыса В. И. Ленинть замечательнай трудонза: «Развитие капитализма в России», «Что делать?», «Шаг вперед, два шага назад», «Что такое «друзья народа», и как они воюют против социал-демократов». Ты максы оцю лезке трудящайхнень политический и культурнай уровенянон касфтомаснонды.

Васенпеда максф возможность мокшень народти тонафнемс эсь кялысонза «Ленинизмнь

кизефкст» Сталинть гениальнай трудонц.

Оцю тиражса нолнеси художественнай литература. Интерес мархта тонафневихть мокшень и эрзянь писательхнень и псэттнень произведениясна.

Минь республикань од ломатне оцю мьяльса лувондыхть эсь комсомольский газетаснон эса, конада лувондови колма. Синь эсь страницаснон эса печатлакшнихть статьяь, конат отвечакинихть од ломаттнень насущнай интересонды. Синь ащицхть од ломаттнеди другоке, воспитывают синь коммунистический обществань активнай строителькс.

Печатсь ульсь ащи и кармай улема партияти васенне помощникос. И аш кодамовок сомнения, што печатсь честь мархта пняккодсьне задакатнень, конатнень путнесыне сонь инголенза великай советский народсь. Тянди залогос ащи ся, што печатть колга повседневно заботендай и вяти мархтонза руководства большевистский партиясь и мудрай рулевойсь Сталин ялгась.

И. Белов.





«КОМСОМОЛОНЬ ВАЙГЯЛЬ» ГАЗЕТАТЬ АКТИВНАЙ ЮНКРОНЗА

СНИМКАСА (жержи ширде видити): И. М. Почтов (Рыбинский район), В. Кирдяшкин (Пурдошанский район), Е. Врагова (С-Синдровский район), К. Черакшев (Атюрьевский район) и Г. Шичкин (Торбеевский район).

## ЮНКРОН

1940 кизоня «Комсомолонь вайгяль» газетати кармась сёрматкшнema Г. Шичкин учительсь. Сон эсь корреспондентиявзон эса няфнесы школань эрь шинь эряфонц, сёрмады отличнайста и цебарьста тонафни ученикнень, цебарь учительхнень работань опытнон колга и стак тов.

Шичкин ялгать корреспондентиявзон эса правдивайста няфнеси эрь фактсь, конань колга сон сёрмады. Тянь сатозе сон сяс, мес кропотливайста работай революционной теориять тонафнеманц лангса. Марксизмань — ленинизмань сокровищница — «ВКП(б)» историять краткай курсонц тонафнеманц лезды максемс правильнай оценка заметкасонза сёрматф эрь факти.

Советский учительсь кропотлива тонафнесыне исторический наукатнень. Аделамок «ВКП(б)» историять краткай курсонц тонафнеманц, кярмодсь Ленинонь и Сталинонь гениалнай трудсон тонафнемаснонды. Тядлень кизоня сон тонафнезень Ленинть «Что делать?», «Шаг вперед, два шага назад», «Государство и революция» замечательнай трудонзон. Тяниень пингть работай древней миронь и средняй веконь историйтнень тонафнемаснон лангса.

Аф калдыаства касфнесы эсь общий кругозоронц, грамотностенц. Тонафни заочна Мордовский Государственный пединститута, лувонды лама художественнай литература.

Кода юнкор, Шичкин ялгась примоси велеть общественнай и политический эряфонц эса активнай участия. 1940—41-це тонафнема кизоть етафтсь велень населенять ётка кемоньшка лекция и доклад различнай темас коре. Аци колхознай стенной газетань редакторкс. Аф калдыаства тонафнесы эсь специальностенц. Тянка лувонды лама педагогический литература, кона пняк лезды сонь работанцы НСШ-нь учебнай частень заведующайн работати.

Шичкин ялгась лувондови «Комсомолонь вайгяль» газетати фкя инь активнай юнкоркс. Шичкин ялгась, васьфетмок большевиксий печатень шить, корхтай: «Мон карман примосема нинге сяда активнай участия газетать эса. Юнкоронь лемть мон лувондса пняк почетнайкс».

Торбеевский район, Мокша Ювня веле.

Токмов.

## ЮНКРОНЬ ЗВАНИЯТЬ САТОЗЕ ОТЛИЧНАЙСТА ТОНАФНЕЗЬ

1937 кизоня Карл Черакшеви ульсь аныцек 14 киза. Эста сон тонафнесь Атюрьевский средняй школать 7-це класса и ащесь пионерский организацияса. Сон сембе пионерхвendi кода тонафнемаса, тяфта жа пионерский организациять общественнай эряфсонзиков, фалу ащесь образцовай примеркс.

Карл Черакшевсь эстаките примсесь деятельнай участия пионерский и общешкольной стенной газетатнень работаса, коса сон разоблачал хулигантнень, критиковандакшнесь калдыаства тонафни ученикнень, няфнезе тонафнемаса и общественнай работаса эсь опытоцн.

Тяка кизоня Карл Черакшевсь кармась активна сёрматкшнema «Комсомолонь вайгяль» Сон, кода примернай пионер, а меле инициативнай комсомолец, эсь кельгома газетанц страницанзон эса правдивайста няфнесыне комсомольский и пионерский организациятнень работаснон, од ломаттнень эряфсон и тонафнемань опытнон.

Черакшев ялгась тяни тонафни 10-це класса. Сон тонафнема кизоть 3 четвертезон аделазень отличнай и цебарь оценкаса. Цебарьста тонафнемада башка Сон вли школаса оцю общественнай работа. Сонь 10-це классонь ученикне кочказь классонь ста-

ростаке, ВЛКСМ-нь комитетса аци членкс.

Черакшев ялгась пняк упорнайста тонафни военнай тевть Сон мекольдены пингть максозень сембе норматнень 4 оборонно-физкультурнай значокенди. Тяни сон РККА-в очередной призывти анок сембе ширде.

Тяни Черакшев ялгась пняк оцю вииса аноклай выпускной испытаниятненьди, штоба синь тяфтажа аделамс аныцек отличнайста.

Черакшевсь юнкоронь высокой званиять сатозе честнайста и отличнайста тонафнезень, итя почетнай званиять сон кирдсь пняк варе.

Рыжов.

## КОРРЕСПОНДЕНЦИЯТНЕНЬ ВИЙСНА

Е. Врагова ялгась «Комсомолонь вайгяль» газетав сёрматкшнema ушедсь кунара. Корреспондентиятнень лангса, конатнень кучесыне редакцияв, работакшни серьезнайста. Темать, конань колга сёрмады, содасы цебарьста. Тянь колга корхтай ся фактсь, што замечанзон эса кржаста няфнесыне кизефкеснень, конатнень колга сёрмады. Нинге тонафнемок Мамолаевский средняй школаса, Врагова ялгась лама сёрмадсь советский школьникнень тонафнемань тевсон колга.

Ряцок цебарь работать колга сёрмадомать мархта, Врагова ялгась аф кржа сёрмады школать работанц эса аф сатыкеснень колгавок. Аф пняк кунара «Комсомолонь вайгяль» газетать страницаса сон выступал заметка мархта, коса нафнезе, што Колапинский аф полнай средняй школаса, коса сон работай учительникак, калдыаства ладяф итнень ётка военн-физкультурнай воспитаньясь, аф должнай высотаса аци физкультурнай дисциплинаць преподаванияц. Тяда меле шко-

лань дирекциясь и Сире-Синдровский РОНО-сь примасть соответствующай мерат, штоба цебарьгофтоме физкультураць преподаванияц. Итяни школьникне получакшнесазь физический культураць коряс программаса азф званиятнень.

Лама можналь няфтемс тяфтама факта, но сатыхть нятка, штоба азоме, што Врагова ялгась эсь корреспондентиявзон мархта лезды народнай образованиянь фронтса аф сатыкеснень машфтомаснонды.

Махин.

## ПЕЧАТНАЙ ПРОПАГАНДАТЬ ЗНАЧЕНИЯЦ

«ВКП(б)» историять краткай курсонц и партийнай пропагандаць постановканц колга ВКП(б)» ЦК-ть и ВЛКСМ-нь ЦК-ть постановленийсон светс лисемасна Ленинско-Сталинский комсомолть идейнай эряфсонза арась оцю событиякс.

Комсомольский активсь и советский од интеллигенциясь кярмодсть серьезнайста эсь идейно-политический уровеньон касфтомаснонды. Гукондьящай активть значительнай пняксоц аделамок марксизмань-ленинизмань энциклопедиять — «ВКП(б)» историять краткай курсонц тонафнеманц, кярмодсть Марксонь, Энгельсонь, Ленинонь и Сталинонь гениалнай трудсон тонафнемаснонды.

Исключительна оцю роль кирди марксизмань-ленинизмань идеятнень трудяйхнень сознанияс пачфтемаса печатнай пропагандась. «ВКП(б)» исто-

рияць краткай курсонц самостоятельнайста тонафниензонды оцю лезкс максихть консультационнай статьятне, конат печатлакшневихть газетатнень, журналхнень эса.

Мордовиянь од ломаттне оцю мяльса пользовандакшнихть пропагандистский статьятнень и консультациатнень мархта, конат печатлакшневихть мордовский республиканский комсомольский газетатнень эса. «Краткай курсть» светс лисема меле газетатне ладязь эсь работаснон станя, штоба кода можна сяда лама максемс лезкс ломаттненьди, конат тонафнесазь революционной теориять. Аф кржа ульсь печатлакф материалада сянь колга, кода сяда эффективнайста ладямсод ломаттнень работаснон эсь идейно-политический уровеньон касфтомаснон коряс. Ульсь статьят, кода работамс книгать лангса и стак тов. Тяда башка аф калдыаства распространя-

дакшневсь сят ялгатнень опытнос, конат систематически и кропотлива работакшнихть «Краткай курсть» тонафнеманц лангса.

Тяда башка газетатнень эса няфневсь работань тя областса ВЛКСМ-нь райкомтнень деятельностьсна, указывали синь аф сатыкеснон и стак тов. Сембе тя пняк лездсь комсомолса пропагандистский работать качестванц цебарьгофтоманцы.

«Комсомолонь вайгяль» газетати оцю аф сатыксокс аци ся, што мекольдены пингть кржа печатлакшни материалада пропагандистский характера. Аш сомнения, што газетать редакцияц, лувомок эсь работасонза тя аф сатыкеснень, сяда тов кярмоди «ВКП(б)» историять краткай курсонц тонафниензонды лезксонь максема. Именна тянди сон призваннай.

Лездоме комсомолецненьди и аф союзнай од ломаттненьди идейно-политический содамашинон касфтомаса — комсомольский газетатнень кровнай тевсна и важнай задачасна.

Кузнецова.

## ВЕТЕЦЕ КИЗОСЬ РЕДКОЛЕГИЯНЬ ЧЛЕН

Каннемс юнкоронь почетнай лемть — эряви сонь оправдать тевса. Юнкорсь В. Кирдяшкин ялгась тянь шарьхкотькшнесы аф калдыаства. Сон тонафнемань тевса лувондови инь примернайкс, отметканза аныцек отличнайхть и цебарьхть. Сяс и сон оцю авторитетса пользовандай ученический коллективть ёткас.

Тонафнемань тевса цебарь показателень няфтемада башка, Кирдяшкин ялгась примоси инь активнай участия школать общественнай эряфонц эса. Сон вов ни ветеце кизось аци школьной стенгазетати редколлегиянь членкс.

Кирдяшкин ялгась путнй лама вийда сянь инкса, штоба стенгазетась удель сяда содержательнай и цебарьста оформленнай. Улемок ударникокси дисциплинированной ученикокс, кочкаф ученический комитетонь членкс. Тя общественнай работать пнякотькшнесы аккуратнайста и добросовестнайста.

«Комсомолонь вайгяль» газетаса Кирдяшкинц лувондови фкя инь активнай юнкоркс. Сон эсь корреспондентиявзон мархта максси оцю лезкс аф сатыкеснень машфтомаса.

## Интереснай газетать инкса

Школьникнень ётка «Комсомолонь вайгяль» газетась пользовандай оцю авторитетса сяс, мес сон лама сёрмады школьникнень тонафнемаснон и будничнай эряфсон колга.

Минь, школьникне, учтама редакциять ширде, штоба сон печатлакшнелъ сяда лама художественнай произведенийат. Од ломаттне пняк интересовандакшнихть мокшенъ писательхнень и поэттнень произведенийаснон мархта. Виде, мекольдены пингть редакциясь кармась лама печатлакшнema художественнай произведенийат, но тя нинге пняк кржа.

Мордовиянь од ломаттнень оцю мяльсна содамс мокшенъ народть прошайнц. А тя темась мокшенъ литератураса занци оцю васта. Сяс и тянь мархта газетась тиеви сяда интереснайкс и авторитетнайкс.

Ив. Дорожкин.

Малав веле, Рыбинский район.





СНИМКАСА: Первомайский демонстрация Саранск ошса.

Фотось Веретенниковъ.

### НОРМАСНОН ПЯШКОТЬКШНЕСАЗЪ ВЕЛЬФ

Сембе советский народъ праздники сась производственной победа мархта. Торбевский элеваторонь комсомолецне предмайский социалистический соревнования пингста сатсть производственной работасот замечательнай сатфкст. Бригадатне эсь ётковаст кемоксность соцсоревнованиянь договорхт сянь инкеа, штоба славнай тевса васьфтемс майть васенце шинц.

Молотобоецъ Говорюшков комсомолецне норманц пашкодесе 155 проценте, Савоськин ялгас выработкань норманц праздники четьс пачфтезе 128 проценте.

Радость мархта и оцю тевса васьфтезе праздники машинистъ Г. Н. Васильев комсомолецъ. Сон эрь ковня норманц пашкотъкшнеше ламода вельф.

Аксянов,

Комсомольский организаци-  
ять секретарен.

### МЕЗЕ НИНГЕ АФ САТНИ

АФ калдяв результатса Пора-па велень НСП-сь аделазе то-нафнема кизотъ III-це четвер-тенц. Сонъ эсонза успевае-мостсь пачфтьф 92 проценте. Особенна живийста и интерес-найста тиендезъ и тиендесазъ эсь уроксонь учительницапне З. А. Ямашкина (мокшень кяльть коряс), К. Я. Утешева (рузонь кяльса) ялгатне. Синь эсь дисциплинасон коряс ла-мода касфтозь успеваемость, кемоксастъ дисциплинать. Уче-никсонь ответсна твердайтъ и обоснованияйтъ.

Но рядок ня башка сатфк-нень мархта, школать работа-са нинге лама аф сатыктонга. Главнайке лувондови аф пра-вильнайста открытай урок-нень ётафнемасна. Тяса откры-тай урокне ётафневихть пях сидеста—неделяти вестъ и аф опытной учителень мархта, ко-натнень работасот пнтай аш меъс тонадомс. Эльбятксне, конат полневихть ня учительх-

нень ширде, аф исправлянда-кшневихть, меъсн сунедасинь сляшкава тейст тонадсть, што синь критикасон инкса нльне кяжияйтъ. Тяфта, например, диктантъ васте лувфнихть декламацият, ученикне урока валхнень азонкшнесазъ аф пра-вильнайста, кой-конат якайтъ карксфтома и стак тов. А учи-тельхне, бта ня фактнень афи-няисазъ. Мзарда тейст тьянь колга тиендехитъ замечаният, то синь нльне кяжияйтъ. Учителхне ашезъ шарьхкодъ ся простой положеният, што школаса итнень тонафнемс аф аныцек знанияитненьди, но и культурности, вежливости и опрятности.

Д. Е. Дуйков,

Учителень усовершенствова-  
ниянь институтъ сотрудникон.

### Кода мон тонафиян

Мон тонафиян Сире Исса пря велень средний школаса 9-пе класса. Тонафнемок нин-ге аф полнай средний школа-са, мон арьсекшнень улемс комсомолецокс. Но улемс ком-сомолтъ семьяса, эрявсь улемс отличникокс, дисциплинирован-найкс, примернайкс сембонди.

Эсь инголен тя аф тежда задачатъ путомода меле, мон сембе виъзень максыне сянди, штоба улемс примернайкс. И 1939 кизоня, мзарда тейне то-подсь 15 киза, пашкодсть монъ арьсемане — монъ примамязъ Ленинско-Сталинский комсо-молтъ семьясонза.

Тяда меле, мон нинге сяда оцю виъса кармань работама, кармань касфнемонза идейно-политический кругозоронь: 1940 кизоня ушедонь тонафне-монза «ВКП(б)»-нь историят Краткой курсонъ. Эрь гла-вати тиень конспект.

Штоба улемс отличникокс, эряви путомс оцю виъ, пинг-ценъ пользования правилна,

расписаниянь коряс. Мон эс-тейне тиень расписания.

Тядденъ кизотъ лувонъ аф 20 книгада кржа, синь ёткостъ тяфтама книгат: Новиков При-бойнъ «Пусима», Сервантесонъ «Дон кихот» «Герои и муче-ники науки», «Айвенго», «Пять недель на воздушном шаре» и лият.

Кода примернай учениконь и общественной активистонъ, монъ кочкамазъ ВЛКСМ-нь ко-митету членкс.

Тяда башка, тонафнемаса лездан ялганенди.

Социалистический соревно-ванияса сявонъ обязательства IV-пе четверть аделамс аны-цек отличнай отметка мархта, тьянь мархта отвечан партият, правительствать и лична Сталин ялгатъ советский школьник-нень колга, оцю заботасонды.

В. Москалев.

Исарский район.

### ПИЖЕЛГОФТСАСЪ ШКОЛАТЬ ПЕРЬФОНЦ

Мамолаевский средний шко-лань юннатне марса лия уче-никнень мархта тунданъ васень ламбе шитнень эзда ушедсть работама школьной участкъ эса. Штоба сяда удобна улель ётафнемс занятият, школьной участкъс явф разделга: ва-сенце разделъ—естествознани-ять коряс, коса кармайтъ за-нимандама I—II—III—IV-пе классонь ученикне. Омбопе раз-делъс 5—9-пе классонь уче-никненьди растениятнень эряф-сна, растениятнень системати-касна, Дарвинизмань основатне и лия теманъ коряс. А иля-дыкс разделхне растениянь лия видонъ коряс.

Школатъ живой уголоксон-за, яшикса касфтыхть помидо-рань, дынянь, арбузонъ расса-дат и паньчфт.

Сембе практический работат-не лездыхть учащайхненьди ке-подемс естествознанияса тео-ретический содамашисон.

Г. Клоков.

Рыбинский район.

Ответ. редакторъ  
И. ЧУДАЙКИН.

### ЕВРОПАСА И АФРИКАСА ВОЙНАСЪ

Гренияса германский воору-женной виъхне аделазъ Пело-поннес полуостровъ оккупа-циянц. Италиянецне занязъ греческий островниень Кефал-линиянь, Закифть и Лефкасть.

Английский ближневосточнай армиять командованиянц сооб-щенияса корхтати, што по-крайней мере 80 процент ан-глийский армиять личный сос-тавонъ эзда, кона сражался Гренияса, благополучна прва-жафт ся райотненьди, коса ня войскане могут улемс исполь-зовандафт сяда товодонъ опе-рацияса. Рейтер агентствать даннайзон коряс, сембоц Грени-яста эвакуировандаф 45 тежянь ломань.

\* \* \*

Севернай Африкаса молихть виъ бойхть Тобрукъ маласа. Гер-мано-итальянский пехотасъ, лама танканъ лезкс вельде, сувасть тя ошть внешний обо-ронительнай укреплениязон районц. Английский командо-ваниясь виъяфнесы Тобрукъ оборонанц. Ассошиэйтед Пресс агентствась пачфнесы, што британский войскань крупнай частъне, конат эвакуирован-дафт Гренияста, прважафт

Тобрукъ гарнизониты лез-дома. Британский военнай ко-рабльхне ваныхть Тобрукъ маласа побережьят эса и ля-цендихть итало-германский войскань скоплениятнень лангс, конат ётнихть прибрежнай кить эзда.

Ливийско-египетский грани-цать лангса мошьте воюющей ширетнень разведывательнай отрядсон действийсна. Кода пачфнесы Рейтер агентствас, немецне тьянень пингть ёрайхть ётафтомс Ливияв сяда лама войска.

Восточнай Африкаса англи-чатне занязъ од пункт Абис-синият территорияса.

Мекольдены шитнень гер-манский авиациясь стаки ти-ендсь налетт Англияса порт-тнень, промышленнай соору-жениятнень и аэродромтнень лангс. Виюста бомбардирован-даф Ливерпульс. Исть лотксе военнай операциятне моряса. Германский сводкатнень эса пачфневи куля лама англий-ский торговай суднавь ваяфто-мань колга.

Английский авиациясь майть 1-пе шинц карша веть бомбар-

дировандазень Берлинть, Гам-бургтъ, Эмдентъ и Кильтъ (Германия). Сяда тов англий-ский воздушнай атакатненьди объектокс ащестъ германский

базатне Голландияса и Франци-яса. Тяфта жа тага тифоль налет Гамбургтъ лангс.

(ТАСС).

### Иракса событиятне

Иракса (страна, кона грани-чендай Турцият и Ирантъ мархта) ушедсть военнай дей-ствиятне английский и прак-ский войскатнень ёткаса.

Кода пачфнесы Рейтер агент-ствасъ, «Ся договоръ коряс, кона тиф иракский правитель-ствать мархта кизода тяда ин-голе», английский правитель-ствасъ азозе, што сон ёрай панжемс английский войска-тненьди коммуникациянь линия Иракъ пачка. Получамок тьянь-ди согласия, английский вой-скане валгсть Ираку. Однака английский правительствасъ ёрасъ кучемс Ираку од вой-скаст, но васьфть иракский властнень ширде сопротивле-ния. Иракский властне истъ марьге тиендемда кодамовок передвижения английский вой-скатненьди, конат ащихть ни Иракса. Тя и арасъ причи-накс столкновеният.

Трансоцеан германский агент-

ствать сообщениянц коряс, иракский войскане керозъ неф-тепроводтъ, конанъ эзга моли иракский нефть британский срезидемно-морской флотти. Офи (гавас) французский агент-ствасъ почфнесы, што ирак-ский армиясь лама вастова фа-тязень нефтяной скважинат-нень и нефтеперегоннайзавот-тнень и сембе станциятнень, конат ащихть нефтепроводтъ линиянц лангса. Странать юж-най районзонза иракский вой-скане васедсть противникъ мархта. Кафцьке воюющей ширетне мольтхитъ артилле-рияста лицендема и применя-дакшнесазъ авиацият.

Британский радиовещатель-най компаниясь радио вельде пачфть арабский кяльса об-ращения иракский населени-ти, конанъ эса серьгятькшне-ви ёрдамс Иракса тьянень правительствать.

(ТАСС).